

Puhnuće behar

Iz blizine srce sluti puhnuće behar.
Izbudiće cvijeće, džemre, čim zemlji padne.
Kiše će umivati Bosnu, šaren đulistan,
iscvjetaće ljiljani u zore rane.

Iz blizine srce sluti, puhnuće behar.
Okitiće polja naša, rahmet zeleni.
Našoj djeci pružit će stručak ljubice na dar,
a uzdahe slobode, i mira meni!

Iz blizine srce sluti puhnuće behar.
Odnijeće dušu u dom, smireni, topli.
Pod moju strehu tek tad, neka šljegne miran san,
minuće bol, oči kad lagahno sklopim.